



GRAD TUZLA BUDŽET ZA GRAĐANE 2024

JEDNOSTAVNA VERZIJA ZA
INFORMIRANJE I PARTICIPACIJU
GRAĐANA

Šta je „Budžet“ i zbog čega je bitan?

Gradski budžet je temeljni službeni finansijski dokument koji sadrži plan prihoda i rashoda za jednu godinu i koji na prijedlog gradonačelnika razmatra i usvaja Gradsko vijeće.

Grad Tuzla, kao i svi drugi gradovi, prema Zakonu o budžetima u Federaciji Bosne i Hercegovine mora planirati prihode i rashode za svaku fiskalnu godinu, koja se poklapa sa kalendarom i traje od 01. januara do 31. decembra.

Gradski budžet je finansijski plan kojim se planiraju prihodi koji se očekuju tokom jedne godine i koji sadrži plan raspodjele tih sredstava za sve aktivnosti gradske uprave vezane za funkcionisanje, održavanje i unapređenje života građana u gradu.

Stoga je Budžet Grada Tuzle važan za sve građane i građanke Tuzle.

ZA ONE KOJI ZELE SAZNATI
VIŠE – GDJE PRONAĆI
BUDŽET GRADA TUZLE ?

Budžet Grada Tuzle za 2024.godinu, koji je donijelo Gradsko vijeće Grada Tuzle, dostupan je građanima :

- na **službenoj stranici** Grada Tuzle www.tuzla.ba → <https://grad.tuzla.ba/wp-content/uploads/2023/10/BUDZET-GRADA-TUZLE-ZA-PERIOD-01-01-DO-31-12-2024-GODINE.pdf>
- u **Službenom glasniku Grada Tuzle broj 12/23** → <https://grad.tuzla.ba/wp-content/uploads/2023/11/SLUZBENI-GLASNIK-TUZLA-12-23-FINAL-STAMPA.pdf>
- u **zgradi gradske uprave** Grada Tuzle, ZAVNOBIH-a 11, 75000 Tuzla – Služba

Zašto „Budžet za građane“ ?

Budžet za građane je vodič koji na pojednostavljen način prikazuje gradski budžet, u cilju da građanima omogući bolji uvid i razumjevanje načina na koji se planiraju, raspodjeljuju i troše sredstva Budžeta.

Gradski budžet je složen i opsežan službeni dokument čija je forma propisana Zakonom o budžetima, a cilj Budžeta za građane je da građanima omogući bolji uvid i razumjevanje načina na koji se planiraju, raspodjeljuju i troše sredstva Budžeta.

Budžet za građane sadrži informacije za uključivanje građana u planiranje budžeta za iduću godinu.

Šta se iz Budžeta može doznati ?

- Kolike ukupne prihode Grad planira ostvariti u toku godine?
- Koliko je učešće kreditnih sredstava u Budžetu?
- Koliko je iznosio suficit/deficit iz prethodne godine?
- Koliki će biti ukupni rashodi i na šta će se novac trošiti?
- Koliko novca se koristi za oblast komunalne infrastrukture?
- Koliko novca se izdvaja u oblasti poduzetništva?
- Koliko novca je usmjereno prema građanima kroz socijalna davanja ?
- itd

Koja su finansiranja nadležnosti Grada ?

Grad Tuzla, kao jedinica lokalne samouprave obavlja poslove iz samostalne nadležnosti i poslove koji su mu preneseni posebnim zakonima.

Pored finansiranja nadležnosti po zakonom propisanoj obavezi, Grad vrši i druga finansiranja u skladu sa opredjeljenjem lokalne politike.

Učešće Grada u finansiranja nadležnosti

OBLAST	POTPUNO FINANSIRA GRAD	NAJVEĆIM DJELOM FINANSIRA GRAD	U MANJOJ MJERI FINANSIRA GRAD	GRAD NIJE U OBAVEZI DA FINANSIRA
OPĆA UPRAVA	x			
KOMUNALNE I DRUGE JAVNE USLUŽNE DJELATNOSTI	x			
URBANIZAM, PROSTORNO UREĐENJE, STAMBENA POLITIKA	x			
PREDŠKOLSKO OBRAZOVANJE		x		
SPORT I KULTURA		x		
ZDRAVSTVENA I SOCIJALNA ZAŠTITA			x	
ZAŠTITA OKOLINE			x	
PRIVREDA, POLJOPRIVREDA, TRGOVINA, ZANATSTVO, ŠUMARSTVO, UGOSTITELJSTVO			x	
LOKALNI JAVNI PRUEVOZ				x

Budžetski proces – šta je i kako se odvija ?

Budžetski proces

**obuhvata sve korake pri kreiranju i
usvajanju budžeta koji su propisani
Zakonom o budžetima u Federaciji BiH.**


BUDŽETSKI PROCES SA NAGLASKOM NA MJESECE KADA SE GRAĐANI MOGU UKLUČITI I NA KOJI NAČIN

FEBRUAR	Početak budžetskog kalendara. Služba za budžet i finansije dostavlja budžetskim korisnicima Instrukciju za izradu Dokumenta okvirnog budžeta (DOB). DOB je srednjoročni finansijski plan za naredne tri godine.
APRIL MAJ	Služba za budžet i finansije po prijemu zahtjeva od strane budžetskih korisnika vrši usaglašavanje sa budžetskim korisnicima, vrši procjenu prihoda za naredni trogodišnji period, uvrštava u Dokument okvirnog budžeta iznose planiranih prihoda zaprimljenih od Ministarstva finansija Tuzlanskog kantona.
JUNI	Služba za budžet i finansije dostavlja prijedlog Dokumenta okvirnog budžeta Gradonačelniku. Gradonačelnik razmatra i usvaja Dokument okvirnog budžeta (DOB).
AVGUST	Budžetski korisnici podnose zahtjeve Službi za budžet i finansije za narednu godinu. Kroz zahtjeve korisnika budžeta mogu biti ispoljene i potrebe građana koji djeluju kroz NVO i udruženja građana.
SEPTEMBAR	Služba za budžet i finansije analizira zahtjeve budžetskih korisnika i sprovodi konsultacije sa budžetskim korisnicima u vezi sa njihovim zahtjevima i prioritetima budžetske potrošnje.
SEPTEMBAR OKTOBAR	Služba za budžet i finansije priprema Nacrt budžeta za narednu godinu i dostavlja Gradonačelniku na razmatranje i usvajanje.
OKTOBAR	Gradonačelnik dostavlja Gradskom vijeću pripremljeni Nacrt Budžeta za narednu godinu.
OKTOBAR/ NOVEMBAR	Gradsko vijeće se izjašnjava: utvrđuje Nacrt budžeta i upućuje ga u <u>javnu raspravu</u> .
NOVEMBAR DECEMBAR	Organizuje se javna rasprava. U toku trajanja javne rasprave moгуće je učešće građana direktno - dostavljanjem zahtjeva putem mail-a, pošte na adresu gradske uprave ili putem matičnog ureda, i indirektno putem nevladinih organizacija i grupa građana, savjeta mjesnih zajednica, vijećnika Gradskog vijeća ili radnih tijela Gradskog vijeća. Građani se mogu uključiti dostavljanjem svojih zahtjeva na adresu Službe za budžet i finansije, putem NVO i grupa građana, savjeta mjesnih zajednica, vijećnika ili radnih tijela Vijeća. Primjedbe i sugestije sa javne rasprave se analiziraju, te u skladu sa nadležnostima na koje se odnose u skladu sa mogućnostima ugrađuju u Prijedlog Budžeta.
DECEMBAR	Gradonačelnik dostavlja Prijedlog Budžeta Gradskom vijeću na razmatranje i usvajanje . Indirektna mogućnost učešća građana putem amandmanskog djelovanja vijećnika.
DECEMBAR	Gradsko vijeće razmatra i usvaja Budžet za narednu godinu.

Kako se raspoređuje
budžetski novac ?

**Budžet mora biti uravnotežen
tako da ukupni prihodi i primici
pokrivaju ukupne rashode i
izdatke.**


Struktura raspoređenih sredstava u Budžetu Grada Tuzle za 2024.godinu



**Budžetom za 2024. godinu
raspoređena su sredstva u
iznosu 82.691.597,47 KM.**

Budžetom za 2024.godinu raspoređena su sredstva za finansiranje rashoda i izdataka u iznosu od 82.691.597,47 KM. Ukupno planirana sredstva za finansiranje rashoda i izdataka u Budžetu, u skladu sa nadležnostima, raspoređena su po organizacionim jedinicama.

RASPORED FINANSIRANJA RASHODA PREMA ORGANIZACIONIM JEDINICIMA UNUTAR BUDŽETA GRADA TUZLE




Gradske službe sa najznačajnijim učešćem u rashodima Budžeta Grada za 2024.godinu

61.456.068,17 KM ili 74,32 % ukupnih rashoda Budžeta Grada Tuzle za 2024.godinu raspoređeno je u okviru nadležnosti četiri gradske službe:

- **Službe za komunalne poslove, izgradnju i poslove mjesnih zajednica (50,35%)**
- **Službe civilne zaštite (9,22%)**
- **Službe za ekonomski razvoj i poljoprivredu (9,05%)**
- **Službe za kulturu, sport, mlade i socijalnu zaštitu (5,70%)**

Ulaganja u oblasti komunalne infrastrukture




47,12 % ukupnih sredstava Budžeta za 2024.godinu raspoređeno je za finansiranje rashoda i izdataka iz komunalne oblasti.

Budžetom za 2024.godinu predviđena su sredstva za finansiranje rashoda i izdataka iz oblasti komunalne infrastrukture. Ova

sredstva omogućavaju nastavak rješavanja problema u putnoj infrastrukturi, poboljšanju opremljenosti postojećih komunalnih objekata, širenju i rekonstrukciji vodovodne, kanalizacione i toplovodne mreže, izgradnji, rekonstrukciji i održavanju javne rasvjete, ulaganju u tekuće održavanje komunalne infrastrukture i izradu projektne dokumentacije.

Oblast poduzetništva i poljoprivrede



U Budžetu 2024.godine za finansiranje u oblasti poduzetništva i poljoprivrede predviđena su sredstva u iznosu 1.270.000,00 KM

Finansiranje nevladinog sektora i drugih aktivnosti iz oblasti društvenih djelatnosti

Za sufinansiranje projekata i programa organizacija civilnog društva (udruženja građana, fondacije i dr.) Budžetom za 2024.godinu predviđena su sredstva u iznosu od 315.000,00 KM.

Za aktivnosti sporta ukupno su predviđena sredstva u iznosu od 1.935.000,00 KM.

Za aktivnosti sporta ukupno su predviđena sredstva u iznosu od 1.935.000,00 KM

Za **oblast kulture** u Budžetu za 2024.godinu predviđena su sredstva u iznosu od 342.000,00 KM. Grant za projekte za mlade planiran je u iznosu od 50.000,00 KM. Za rad Vijeća mladih planirana su sredstva u iznosu 22.000,00 KM.

Za **nagrade studentima, učenicima i sportistima** predviđena su sredstva u iznosu od 80.000,00 KM.

Za **grantove vjerskim zajednicama, nacionalnim udruženjima i udruženjima nacionalnih manjina** na području grada Tuzle predviđena su sredstva u iznosu od 136.500,00 KM.

Izdvajanja u oblasti predškolskog obrazovanja

Za rad Javne ustanove za predškolski odgoj i obrazovanje Obdanište „Naše dijete“ Tuzla u Budžetu za 2024.godinu predviđena su sredstva u ukupnom iznosu od 2.385.000,00KM.



Izdvajanja u oblasti predškolskog obrazovanja čine 2,88% ukupnih budžetskih rashoda.

Ova sredstva se dodjeljuju JU Obdanište „Naše dijete“ Tuzla putem transfera.

Izdavanja za socijalno ugrožene građane

Pružanje pomoći socijalno ugroženom stanovništvu Grada Tuzla vrši se putem dodjele jednokratnih pomoći građanima koji se nalaze u teškoj socijalnoj situaciji, dodjele jednokratnih pomoći korisnicima boračko - invalidske zaštite, transfera za obavezno zdravstveno osiguranje lica u stanju socijalne pomoći, a u skladu sa pravilima utvrđenim od strane Gradskog vijeća Tuzla. Pomoć socijalno ugroženim građanima pruža se i indirektno putem finansiranja aktivnosti Narodne kuhinje „Imaret“, GO Crveni krst-križ Tuzla, Udruženja penzionera Grada Tuzla i udruženja iz oblasti boračko-invalidske zaštite, UG Viva žene. Za ove namjene u Budžetu 2024. godine, planirana su sredstva u iznosu od 2.888.000,00 KM ili 3,50 % ukupnog Budžeta.

Socijalna jednokratna pomoć ima za cilj zaštititi socijalno najugroženije kategorije građana kojima je za zadovoljenje osnovnih životnih potreba neophodna pomoć zajednice.

U Budžetu za 2024.godinu planirana su sredstva za socijalne jednokratne pomoći građanima u iznosu od 1.355.000,00 KM.

Budžetom 2024.godine planirana su sredstva u ukupnom iznosu od 2.888.000,00 KM za pomoć socijalno ugroženim građanima

Za stambeno rješavanje raseljenih lica i domicilnog stanovništva u stanju socijalne potrebe u Budžetu 2024.godine predviđena su sredstva u iznosu 100.000,00 KM

Izdavanja u oblasti socijalnog neprofitnog stanovanja

U okviru Službe za boračko - invalidsku zaštitu, stambene poslove i integraciju raseljenih lica u Budžetu 2024. godine

planirana su sredstva u iznosu od 100.000,00 KM u okviru Fonda za socijalno stanovanje. Sredstva Fonda se koriste za podmirenje troškova tekućeg održavanja stambenih jedinica - stanova po principu neprofitnog socijalnog stanovanja pokrenutog od strane Ministarstva za ljudska prava i izbjeglice BiH, a u okviru programa socijalnog stanovanja i regionalnih projekata, u cilju stambenog rješavanja raseljenih lica i povratnika, te domicilnog stanovništva u stanju socijalne potrebe.

Izdvajanja u oblasti civilne zaštite

Budžetom za 2024.godinu planirana su sredstva finansiranja nadležnosti civilne zaštite u iznosu 7.622.435,28 KM ili 9,22 % ukupnih rashoda Budžeta.

Finansiranje nadležnosti civilne zaštite planirano je u okviru Službe civilne zaštite, iz kojih će se finansirati rad Profesionalne vatrogasne brigade Tuzla, nabavka materijala za vatrogasnu jedinicu, usluge opravke, održavanje vozila Profesionalne vatrogasne brigade Tuzla, provođenje preventivnih mjera za zaštitu i spašavanje, saniranje šteta nastalih prirodnom nesrećom, sanacija klizišta, opremanje službi civilne zaštite, obuke i drugo.

Kreditno zaduženje i otplata kredita ?

Grad Tuzla je kreditno zadužen u skladu sa Odlukom o kreditnom zaduženju koju je donijelo Gradsko vijeće.

Iz kreditnih sredstava finansiraju se sljedeći infrastrukturni projekti: Izgradnja Centralnog gradskog groblja Drežnik, rekonstrukcija i izgradnja lokalnih puteva i trotoara, izgradnja i rekonstrukcija parkova Sjenjak i Slana banja.

Zakon o dugu, zaduživanju i garancijama u Federaciji BiH uređuje:

dug i garancije, način i postupak zaduživanja, osiguranje sredstava za otplatu duga, izdavanje garancija, vođenje evidencija o dugu i garancijama, te druga pitanja koja se odnose na dug i garancije gradova u Federaciji BiH.

„Dug grada čini unutrašnji i vanjski dug i garancije “

Grad Tuzla je kreditno zadužen u skladu sa Odlukom o kreditnom zaduženju koju je donijelo Gradsko vijeće. Ukupno zaduženje Grada Tuzle po osnovu kredita za izgradnju objekata komunalne infrastrukture na dan 31.12.2023. godine iznosi 6.091.203,60 KM (glavnica i kamate).

U Budžetu za 2024.godinu planirana su sredstva za otplatu kredita u ukupnom iznosu 1.300.000,00 KM, od čega za
- za otplatu glavnice 930.000,00 KM,
- za kamate 370.000,00 KM.

Obaveze po kreditnim zaduženjima se uredno servisiraju.



Novo kreditno zaduženje za infrastrukturne projekte

Gradsko vijeće Grada Tuzla, na sjednici održanoj dana 20.12.2023. godine donijelo je **Odluku o kreditnom zaduženju Grada Tuzle** kod Razvojne banke Federacije Bosne i Hercegovine u iznosu od 11.100.000,00 KM. Kreditna sredstva koristit će se za finansiranje infrastrukturnih projekata Grada Tuzle.



1. Sanacija putne infrastrukture	7.550.000,00 KM
2. Projekat rekonstrukcije raskrsnice „Slatina“ u Tuzli	1.500.000,00 KM
3. Sanacija vodovodne i kanalizacione mreže	1.200.000,00 KM
4. Sanacija sportskih objekata	550.000,00 KM
5. Sanacija postojećih mostova	300.000,00 KM

Garancije / jemstva

Ukoliko gradsko vijeće donese odluku da će grad na zahtjev kreditora garantovati otplatu duga dužnika zalogom njegovih prihoda, neophodno je u budžetu tekuće godine planirati sredstva za potencijalnu obavezu.

Grad Tuzla je garant/jemac po osnovu Odluka Gradskog vijeća o odobrenju izdavanja garancije za kredit javnih komunalnih preduzeća, i to „JKP Komunalac“ Tuzla i JKP „Vodovod i kanalizacija“ Tuzla.

U Budžetu za 2024.godinu planirana sredstva na ime potencijalne obaveze po izdatim garancijama u ukupnom iznosu 850.000,00 KM ili 1% ukupnih sredstava budžeta.

Budžet za građane je pojednostavljeni prikaz određenih dijelova Budžeta Grada Tuzle.

Pogledajte, uključite se!

Kontakt:

SLUŽBA ZA BUDŽET I FINANSIJE

Putem telefona 035 307 360

putem mail-a: **budzet_opcinatz@tuzla.ba**

Publikacija „Budžet za građane“ :

<https://grad.tuzla.ba/budzet-za-gradane/>